

第一〇九冊

方輿彙編

職方典

保寧府部

順慶府部

叙州府部

重慶府部

(卷)

五九—六〇

六一—六二

六三—六四

六五—六六

古今圖書集成

中華書局影印

欽定古今圖書集成方輿彙編職方典

第五百九十九卷目錄

保寧府部彙考三

保寧府祠廟考 寺觀附

保寧府驛遞考

保寧府物產考

保寧府古蹟考 陵墓附

職方典第五百九十九卷

保寧府部彙考三

保寧府祠廟考

本府 關中附郭

總志

社稷壇 在府治西

風雲雷雨山川壇 在府治南

郡厲壇 在府治北

文昌祠 在府治北

城隍祠 在治東南

漢高祖廟 在城南高祖還定三秦關中范目

率七姓爲先鋒封目關中侯七姓不輸租賦故

立廟于此

關聖廟 在府治北明洪武中建

雄威廟 在府治北祀漢張飛有墓在廟所

忠義祠 在治西祀唐姚洪

杜陵祠 在錦屏山

二陳祠 在南崖下

隨靈廟 在府東靈山上祀古叢帝開明氏鸞

靈王

武侯祠 在錦屏山上

譙元廟 在治東一百二十里

丘都祠 祀丘直齋

林都祠 祀林見素

三賢祠 祀黃兼山朱晦庵張南軒

三景祠 宋神宗時安岳人景思忠死清井仲

思立死熙河李思諒亦戰死末樂中立廟祀之

蒼溪縣

玉皇廟 在縣治西

關帝廟 在東關

桓侯廟 在縣東南十五里一在方山

東嶽廟 在縣南十五里

二郎廟 一在槐樹壩一在劍州界

真武廟 在治東

文昌祠 在太廟側

武侯廟 在離堆山今廢

顏公祠 在郭北今廢

余公祠 在大獲城今廢

希夷先生祠 在雲臺山今廢

馮公祠 舊在鐵山關嘉靖四十年縣尹李希

參遷於北郭今廢

南部縣

禹廟 在治郭外今廢

桓侯廟 在東關前

龍樓廟 在縣南五十里爲七曲行祠宋開禧

間燬明成化年建上有大書龍樓山靈應廟兩

石碑碣

五聖廟 在鰲山關內

顏魯公祠 在治南五十里魯公唐顏真卿也

廣元縣

關聖廟 在東山關即城廢倉舊址

司馬池父子祠 在治西

顏魯公祠 在治南

昭化縣

關聖廟 在治內

川主廟 在治西十里唐時建凡旱潦災蝗禱

之必應土人四時祭之

巴州

忠義廟 在治西祀張飛嚴顏

武侯祠 在葛山上武侯蜀漢諸葛亮也

嚴將軍廟 在治西祀漢嚴顏

靈應祠 按明一統志在巴州東三十里山之

趾三溪匯爲一潭潭側有祠祈雨輒應宋紹興

間賜額

通江縣

二王廟 在治東崇祀關張二王

龍翔廟 崇祀宋將軍向佐

龍王廟 去縣北三里禱雨即應

五顯廟 在縣署後

水府廟 在南郭外成化間建

結義廟 在毛浴鎮

桓侯廟 在毛浴鎮

四賢祠 在南寺崇祀唐鄭畋明向佐向鼎向

閩

漢壽亭侯祠 在治內康熙四年知縣王保釐增修

李土主祠 在治西祀巴州刺史李繼賢

安公祠 在治西祀宋安丙按明一統志丙宣撫四川破吳曦嘉定間白知微爲立祠

南江縣

公山廟 在治南二里其神爲張真人七世孫嘗官集州有惠及民

關帝廟 在治西

劍州

里社壇三所 以祀土穀之神鄉厲壇三所 以祀無嗣鬼神

真武廟 在州治後

土主廟 在州北漢陽山

武侯祠 在州東關

二賢祠 祀明知州李璧楊如震

鄧將軍祠 在孤玉山以祀魏安西將軍鄧艾按明一統志艾爲鍾會所誘沒於綿竹後葬於此邑人立祠祀之

先靈祠 在州北漢陽山絕頂

忠勤祠 在州北一百二十里以祀輔漢將軍姜維

母丘祠 在治南百里宋母丘儼昆弟四人讀書處

李杜祠 在劍門關舊有宋阜陵書蜀道難越汝思書劍門詩刻於祠內有光焰堂

梓潼縣

百神廟 在治南唐咸通間吳行魯統師過此見斷碣有古卿相名遂心禱之願蕩除蠻寇果大捷乾符三年爲立廟

五丁廟 在治北十二里五丁開劍路迎秦女拔蛇山摧五丁與秦女俱死於此立廟祀之

靈應廟 在七曲山頂即梓潼廟也按圖志神姓張諱亞子其先越蜀人因報母讎徙居是山自秦伐蜀後世著靈應宋元屢封輔元開化司祿宏仁帝君

武侯廟 去治西三十里葛山上八卦井尙存關帝廟 在北關外疊遭賊燬知縣袁還模重修

李業祠 在治河西

何公祠 在南關外明嘉靖兵科給事中何光裕以直諫死隆慶贈太常寺卿勅立忠節祠祀之寇亂祠廢基尙存

胡公祠 在北關外公諱邦助江南人崇禎間知梓潼縣事勞心撫字有召杜風士民思其德立祠祀之祠殿基尙存

李杜祠 祀唐李白杜甫寺觀附

本府 關中縣附郭

報恩寺 傾廢僅存基址

大像寺 按明一統志在府城南後唐天成間建

觀音寺 在治東

圓覺寺 在治南

北巖 在府城嵯峨山麓明萬曆己卯石巖出現空洞若庭中有石佛石爐巖壁鐫刻石佛百字迹剝落不可考巖頂泉下滴如瀑布散珠因創修佛殿山門

玉臺觀 唐時太守滕王元嬰遊觀之所康熙八年知府薛柱斗重建

普明觀 按明一統志在府城東五十里宋紹興間建

蒼溪縣

鹿花寺 在北門外宋淳熙間建

紫陽寺 在縣東紫陽山

龍洞寺 在縣東南柏利壩

舉台寺 在陳家壩山頂青松環翠江水臨流

觀音寺 在麻坪

岐坪寺 在岐坪壩

廣福寺 在漕溝溝

禪林寺 在禪林溝

鳴羊寺 在東嶽廟

煙崇寺 在縣南

雲臺觀 在縣東雲臺山

崇元觀 按明一統志在縣治東宋建

老君觀 在縣北四十里元壩子

青山觀 在縣西三十里青山鎮側

清泰庵 離堆山俯兩江之流擁千山之秀

南部縣

合符寺 在城南唐咸通間建

大佛寺 在縣北三十里倚崖作石佛高八丈

零樓高十丈零禹治水經此山頂遺足迹尚存

報本寺 在縣東五十里寺傍爲鮮于氏故里

唐時韓雲卿記

羅集寺 在縣東四十里上下有石碑龍井二字

思依寺 漢羅冲霄張道陵煉丹處

靈雲觀 按明一統志在南部縣北二里宋建

蘭登觀 漢嚴君平嘗居於此

夢覺庵 在縣治右署縣令崔鹿鳴因夢有感故名

馬村庵 宋狀元馬涓捨宅其墓在後

廣元縣

慶壽寺 去縣西五里宋乾德間建

天臺寺 去治西三十五里

寶峯寺 在東山上殿獻賦於舊址建三義廟

皇澤寺 在治西百里嘉陵江岸寺後峭壁如削石刻佛像有洞攀崖而登九域志云楚人武士獲爲利州都督其妻感龍而有孕生武則天於此因賜寺刻其真容

靈漢寺 嘉川縣中黃山谷紀行碑在寺內元豐三年題

雷峯寺 去治東十里

明教寺 在鎮川門外

雪峯寺 去治東十里

上真觀 去城北三里卽金山也觀後有潞溪

事林廣記天下有十二溪有上真廟爲聖真居

之潞溪其一也觀環古柏鬱鬱蒼蒼登高遠眺

萬象羅列暮春之時少長咸集明末拆燬康熙

十一年邑孝廉魯觀倡議重修逆變復燬

飛仙觀 去縣北二十五里江中一山如笋週

圍浪湧獨通一線西傍懸巖萬丈俯視戰兢約

行三里始至觀觀後有仙應井江水濁亦濁此

觀年久傾頽今俗人募化重修

昭化縣

寶輪寺 按明一統志在縣西二十里元大德

間建與通江同載

來佛寺 唐時有木佛自嘉陵江流來因建寺故名來佛

石城寺 在縣南白水石城山宋時建

茅坪寺 漢武帝時建

長陽寺 在虎跳驛漢時建

太清觀 去縣一百二十里漢時建

東嶽觀 在治北

眞武觀 在虎跳驛明末樂間建

馬到院 在虎跳驛唐元宗幸蜀乘馬到此因名

天皇院 在縣北白水唐時奉勅建

梵天院 在治西城內

寶輪院 去治北十里

巴州

南泉寺 在州西城內

樂巴寺 去縣西四百里樂巴真人建法座下

有石穴每歲仲夏一蛇可三尺許先出羣蛇大

小顏色不一絡繹隨之遊於殿堂几榻廚器之

間或至數日絕不畏人人亦勿相害也必借爲

食以飼之食已其先出者先至穴口俟羣蛇畢

入而後入焉土人傳爲四萬八千尾云今尚然

華嚴寺 按明一統志在縣西北三里

嘉祐寺 在治南唐中和間建

寶輪寺 在治內

元妙觀 按明一統志在縣西三十里宋建

南江縣

治平寺 在治南

廣化寺 去治東一里

回龍寺 去治北七十里

琉璃寺 去治西南九十里

劍州

聖壽寺 按明一統志在州治南宋嘉定間建

誌公寺 去治北八十里誌公和尚入滅於此

普濟寺 在治西詳文貞書院

雲起觀 在雲起山絕頂相傳漢張道陵常寓

此修煉

杜師觀 在州西一百里

梓潼宮 在州南涪溪

馬到院 在州東八十里嘉陵江口

梓潼縣

天封寺 在縣東關外創自元泰定明末樂間

重建舊剝雖存而傾頽過半矣

第一〇九冊 之〇二葉

方輿彙編職方典第五百九十九卷保寧府部

古入圖書集成

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

方輿彙編職方典第五百九十九卷保寧府部

第一〇九冊 之〇二葉

景封寺 在縣西三十里葛山下久湮沒無考

西崖寺 去縣西五里創自宋英宗治平間

雙峯寺 去縣南七十里元時創建殿閣巍峩

峯巒秀麗爲一邑鉅觀遠近士多以爲精舍明

錦州探花高節成名於此名人多題詠焉惜屢

經寇變半成頽垣碎瓦

瑪瑙寺 去縣南五十里創自宋山明水秀林

木青葱殿後石洞中有清泉湧出四時不竭名

曰聖泉

白馬寺 去縣北一百二十里元時創明成化

間重修

龍江寺 去縣西七里明正統間創瀦水環其

下崇禎末寺僧汲水常見鱗出潭中

保寧府驛遞考

總志

府屬陸站

閭中縣 站馬二十八匹馬夫十四名扛夫三

十名歲支銀一千六百二十七兩二錢

蒼溪縣 站馬三十四匹馬夫十五名扛夫三十

名歲支銀一千七百二十八兩

南部縣 站馬一十二匹馬夫六名扛夫十名

歲支銀六百七十六兩八錢

柳邊驛 站馬二十匹馬夫十名扛夫三十名

歲支銀一千二百二十四兩

廣元縣 站馬二十匹馬夫十名扛夫三十名

歲支銀一千二百二十四兩

神宣驛 站馬三十四匹馬夫十五名扛夫三十

名歲支銀一千七百二十八兩

圓山驛 站馬三十匹馬夫十五名扛夫三十

名歲支銀一千七百二十八兩

金政站 站馬三十四匹馬夫十五名扛夫三十

名歲支銀一千七百二十八兩

府屬水站

閭中縣 站船三隻水手六名橈夫一十八名

歲支銀四百九十六兩八錢

蒼溪縣 站船三隻水手六名橈夫一十八名

歲支銀四百九十六兩八錢

南部縣 站船三隻水手六名橈夫一十八名

歲支銀四百九十六兩八錢

廣元縣 站船三隻水手六名橈夫一十八名

歲支銀四百九十六兩八錢

昭化縣 站船三隻水手六名橈夫一十八名

歲支銀四百九十六兩八錢

虎跳驛 站船三隻水手六名橈夫一十八名

歲支銀四百九十六兩八錢

保寧府物產考

總志

府總

鹽 有井

黃柑 晉時置守柑吏一人

鐵鑪 鴈門山出今二百餘年已無蹤跡

石菖蒲 一寸九節生溪石上服之益人聰明

桃笙 方言謂簾爲笙桃笙乃桃竹簾也

木竹 節疎心實

被 其形類猴鼻管上向能食猴

絲

麝香

羚羊角

附子

天雄

龍頭竹

娑羅樹

金巴戟

蒼木

山茶

保寧府古蹟考

總志

本府 閭中縣 附郭

廢西水縣 去府西一十里本秦舊縣地後周

置縣元併入南部

廢新政縣 去府東南一百三十里本漢充國

縣地唐置新政縣元併入南部

張儀城 去府東二十里秦時築舊有張儀廟

唐初徙縣於此

大獲城 在大獲山宋淳祐中兵亂制置使余

玲築此城爲閬州治而以蒼溪爲倚郭

廢新井縣 去府東七十里亦漢充國縣地唐

置新井縣以縣多鹽井故名元併南部

廢閬中縣 在府東白壩

廢奉谷縣 去府東一百里

玉女房 在蟠龍山南晏殊類要有石長四丈

高五尺當中有門其形若人之掩閉然

平園 在府北宋太守朱壽昌築刻石猶存

白壩 在府治東舊閬中廢縣

教場壩 在府治西北有九塊石疊築成峯

蒼溪縣

讀書巖 在柏崖鄉萬之際譙元所居

劍書巖 在迴崖山側相傳杜天師藏丹書三

卷青銅劍一口但人覓不見

西平州 隸縣境

岐平縣 唐天寶七年建宋熙寧五年裁

奉國縣 宋熙寧五年建明洪武六年裁

大獲城 宋淳祐三年四川制置使余玠因岸

築城對面小山有石如鼓謔曰撞得石鼓鳴取

得大獲城言其險而難攻崇禎十二年縣尹沈

國復修葺之上有仙蓮池故大獲天池爲一景

鄧州 在岐平

南陽縣 元至正十四年立義兵萬戶府令討

賊自郊

青山鎮 爲縣西路之衝唐貞觀時最盛

地嶺鎮 爲縣東路之衝明洪武時最盛

淨馬池

張桓侯戰張郃時故營

來仙洞 在離堆山腰

太陰洞 古碑略云紹興元年夏大旱令尹常

明率父老步至洞前拜祝曰龍之爲龍物不可

得而制形不可得而見變化之神人不可得而

窺今苗穡民飢非可高臨深蟠時也須臾雷電

震耀雨三日乃止是秋霖雨踰月閭閻之薪粒

不繼道路之商旅不行復往拜禱少頃天清日

朗民意豁然遂以一雨一晴之狀聞於世間

龍泉洞 在龍泉寺側平地匍伏而入內全山

皆空

虎洞 在槐樹驛側

陽岳洞 十餘處俱懸石人跡罕到

龍井壩 古井深丈餘石梯斜砌而下水有蒸

氣

馬鳴壩 古有馬鳴於上遠視有形近之則隱

鑿岡爲壩馬不復鳴或曰昭烈帝使其將陳式

絕馬鳴道岡以拒曹操即此地

井田壩 去縣東一里相傳古人畫井處

小桃源 杏花村 俱在施店驛

南部縣

廢普安縣 去縣北九十里

禹跡 神禹治水經此山頂留有足痕今尙存

靈雲洞 在縣北二里外遠中廣冬煖夏涼入

數丈許踏之有聲唐蒲景珣家於此一日呂洞

賓訪之不遇以瓜皮寫詩於石壁云我自黃梁

未熟時已知靈骨有仙奇丹堦玉露桂珠圓劍

開寒光燦翠微雲鎖玉樓鋪洞雪琴橫鶴膝展

江涓有人試問君山景不識君山景是誰字痕

常濕隨擦隨現洪武中失去止存一龕

醴泉井 在縣西關外其香甘如醴冬不涸夏

不盈世傳呂翁經此曾點水成酒

鮮于氏里門碑 在新政之報本院爲鮮于氏

之故宅韓雲卿撰文韓秀實書皆唐大曆中建

新政縣大曆碑 顏魯公書碑傍有佛老孔子

像像傍又有二小記皆大曆中建

裴晉公銘 裴迪唐丞相晉公之後國初爲新

政令因家南部至今尙收得晉公之像及累任

告身自撰眞贊墓銘併存焉

王微留題 唐肅宗朝丞相王微未第時曾經

閬中次南部登高念遠因賦詩

顏魯公磨滅記 在新政離堆巖下歐陽公集

古錄唐顏眞卿撰並書碑寶應元年立

寇萊公詩 公嘗過東州新井院雷海棠詩至

今龕於縣柱

思鄧泉 在縣十里外世傳三陳母馮氏在汴

梁思鄧成疾取泉飲之而愈故名

陳氏石笋 宋三陳讀書石室平地突起石笋

三柱後三陳俱大魁天下算其先兆也在舊縣

新井之側今殘毀

曲水 有二一在縣北二十里宋陳馬諸公居

此處傳杯酬飲置觴水面杯流九轉不沒至今

遊人流觴遺典與昔相同一在縣北大江側

廣元縣

烏奴城 在縣西末泰初置東晉壽郡於此

黎州城 在縣北本晉之晉壽郡後魏改益州梁改黎州西魏改利州隋改義城郡皆此城也宋唐庚詩黎州酒貴如金汁解盡寒裘纔一吸廢縣谷縣 在烏奴城北隋改晉興安縣爲縣谷義城郡即此按明一統志元以嘉川縣省入今廢

廢嘉川縣 去縣東一百里即今嘉川壩廢葭萌縣 在縣治東

籌筆驛 去縣北一百里即今神宣驛相傳二郎神持劍逐蹇龍過此因名武侯出師駐此唐杜牧詩未安官受詔籌筆驛沈思義山有碑在驛近經兵火不存

昭化縣

沙州城 按明一統志在昭化縣白水鎮周圍五里劉宋於此置白水郡俗傳爲沙州元和志楊難當克葭萌分白水置平興縣即此

關索城 在治東關索屯軍於此

倉坪 在縣上白水街內有大坪相傳鄧芝屯糧於此舊有倉房

飛鵝峽 上有石洞下臨大江有石似鵝立巖前諺云打得石鵝飛過得陰平道

魯班峽 與飛鵝峽同險舟車最難行者惟此

二峽

臥牛石 在縣龍潭月池邊有大石其形似牛臥於江中因以爲名昔騷人魯子明泛舟過此詩云嵯峨怪石倚雲間拋擲於今知幾年苔蘚作毛和露長藤蘿穿鼻任風牽從來不食溪邊

草自是懶耕隴上田怪殺牧童鞭不起笛聲吹散夕陽烟

五佛巖 皆魯班遺跡有石佛在上

石馬坪 有石人石馬甚大

富水洞 離縣二十里以燭火深入洞中過馬鞍橋窄路有石笋石龍牀有一大潭深數十丈

神龍居之凡天旱縣令率紳士父老命巫往洞取水出祈禱雨後即將水還於洞中若不還霖雨踰月不止薪米不繼道路難行復往拜禱即晴其靈應如此凡秦漢及龍安成都縣劍等地皆來取水無不感應唐時建廟於洞外土人敬之不衰每三年或五年必漲大水人以爲龍子孫分之

明水洞 離城六十里深山半巖中大木似涌流出棲溪居民賴灌田

白雲洞 在長寧山下內有龍泉每遇亢旱禱無不應

虎佬洞 相傳有虎曾修養於此後竟成佬故以爲名

漢王洞 在縣北二十里深山中居民避亂於此內有銅劍印盒冠冕人若欲往取大紅蛇無數蟠繞於中不敢進洞

柏樹壩 一名石壩子下有府君廟康熙二十三年縣令吳天木率士民捐資重修

風洞壩 傍有洞洞內大風吹出人難立站因以爲名

紫蘭壩 在安昌壩後多產草蘭故名

三堆壩 在縣北二十五里有大石堆三顆座於江岸相傳爲川主二郎神担至此

馬鳴閣 在縣西北二十里俗名馬頭寨層巒聳翠峻嶺懸巖魏武帝過兵於此嘆曰此關過漢中陰平乃咽喉要路或曰昭烈帝使將陳式絕馬鳴道閣以拒曹操即此地

曲回壩 在縣西二里迴旋曲折多旱田

桔柏津 在治東唐明皇幸蜀文昌帝君接謁於此明皇曰卿乃北郭張仲子乎答曰然許以公主妻之後遣兵來朝接取公主果死見於化書又命土人立宮於龍潭驛寧濟橋側故桔柏古渡爲一景

益昌古制牌坊 在治內

巴州

廢奇章縣 去州東八十里

廢恩陽縣 去州西南八十里

廢清化縣 去州西六十里

廢化城縣 去州西六十里按明一統志後周置隋爲巴州治唐大曆間廢王建孟知祥復置宋仍舊元以恩陽難江二縣并入今廢

廢會口縣 去州東四十里按明一統志梁始置唐屬巴州宋廢元復置今廢

小寧廢城 去州西一百里

石城舊堡 去州東七十里

平梁城 即平梁山

集州城 按明一統志在巴州境唐置集州治難江縣宋省州以難江屬巴州元廢

通江縣

得漢城 在治東北二里漢高王漢中屯糧處

宋制置使余玠移節於此石刻尚存

大城 去治東百里有白石縣之上四隅有石

門宋淳熙中馬金雲屯戍於此今義馬池尚存

玉鞭池 在治西昔有虎仙李氏代父戍邊御

虎以蹄投鞭於地因成池邑人祠祀之池昔生

並蒂蓮

三角池 在荷葉山林中有池三角澄澈幽深

歲旱土人往零輒作雷雨如注不可近明萬曆

中有樵者迷道於此至夜聞語笑聲天明止見

大竹拱抱截尺餘歸回顧失所在矣吳翔鳳有

記

孫氏池亭 在治東孫思邈洗藥於此

播鼓城 與得漢城對峙列嶂如屏然

北園 釣閣星精亭在內

仙人洞 去縣西百里許洞前平沙數丈成三

徑有足跡或長尺餘或長七八寸或如小兒其

西皆牛馬雞犬跡遊人拂去次日如故

倒掛石僧 在治西百里魯班寺右

鄭相遺蹟 在壁山石洞中巖上志云檢校司

徒守太子太保鄭畋門吏給事中賜紫金飛魚

袋孫儲尚書刑部郎中賜紫金飛魚袋鄭相中

和三年十二月八日訪泉石於此

龍池 去治北三里許怪石崢嶸水自石隙出

漫溢成池大旱不涸石上猶存廣濟靈湫及龍

池字皆古隸體

古佛龕 按明一統志在縣西一十里唐人題

詠甚多風雨剝蝕惟一碑粗可識

南江縣

集州廢城 在治南今建儒學於內

琉璃關 去治東二里

楞材廢關 去治北六十里

劍州

廢陰平縣 去治西北一百六十里

石牛道 在大劍山關口蜀王使力士曳石牛

成道即此

翠雲廊 自劍閣南至閬州西至梓潼三百餘

里明正德中知州李璧以石砌路兩傍植松柏

數十萬株今皆蜿蜒如龍

皇清知州喬鉢題曰翠雲廊有詩

千年木 在州西八十五里有古木一甚巨二

白羊往來其下近則不見

磨崖碑 在州東半里唐元次山與顏魯公書

碑闊一丈高七尺字大如碗剝落僅存畫影

懷素書 在駕鶴山紫霄觀巖半

親民書院 在州治後至順中同知任璿建以

教鄉社子弟

石劍 在州治後真武廟小池中一石長丈餘

挺然斜倚形如插劍

清燕臺 遺址在州治後有黃裳碑存焉

流盃池 在今城隍廟後

玉女臺 在大劍山東峰

望鶴臺 在雲起山

梓潼縣

梓潼縣 梓潼縣 梓潼縣

廢武建縣 去治北一百一十里今為武侯坡

相如讀書臺 在長卿山下有祠今廢

參龍池 去治北三十里相傳梓潼神君顯靈

跡處廟尚存

邊孝先臥遊亭 在西河溪上有碣尚存

演丘壩 在治內

上亭鋪 在治北四十里唐明皇幸蜀至此聞

鈴聲似言三郎瑯瑤者故古名瑯瑤驛

八卦井 在縣治西三十里葛山下諸葛孔明

屯兵處今已淪沒

劍泉 在縣治北二十里五丁遺劍化泉處詳

見山川

盤陀石 在七曲山其石圓如磨高三尺許上

有帝君聖像胡牀盤坐有坊曰盤陀仙跡

晉柏 在七曲山柏二株蒼翠奇古蟠踞如虬

龍自晉至今幾三合抱

李業闕 在縣西五里舊云乃前漢侍御史李

業葬此赤眉毀破二關臨官路其碑亦漢隸今

碑無存

後漢趙相國雍墓石闕 在縣北二里前有石

闕石麟其文曰漢趙相國雍府君之墓今無存

漢沛國范伯友墓石闕 去縣東六里有墓闕

上有文曰漢沛國范伯友墓碑今無存

景福院石碑 在縣西三十里葛山之景福院

今為佛龕寺碑無存

成王李雄讀書臺石碣 在七曲山顯德寺中

通志未載古蹟 明一統志

本府 開中縣附郭

治平園 在府治北宋太守朱壽昌築內有郎官庵三角四照紅藥之亭清風明月之臺錦屏閣花塢柳橋曲池凡十所文同嘗賦十詠石刻猶存

東樓 在府治南嘉陵江上杜甫詩層城有高樓制古丹腹存迨迨百尺餘餘遠開四門

南樓 在府城南據江山之會唐滕王元嬰建碧玉樓 在府城西南隅一名十二樓宋秦桓

記

清遠樓 即府治大門舊有鼓樓極其壯麗蓋閩苑數樓之一也經亂焚燬

皇清康熙八年知府薛柱斗重建額曰清遠

會經樓 在府城南將相坊宋元祐中建置經史子集京本蜀本浙本各一總三萬餘卷宋蘇軾題額蒲宗孟記范百祿輩皆有詩

敵萬樓 在城內雄威廟後因張飛號萬人敵故名

鳳凰樓 在治內郡署後

堆香閣 在府城內與敵萬樓對

劍屏閣 在府治錦屏北與山對

錦屏閣 在錦屏山嘉靖中知府張思聰建

凌霄閣 在府城東觀音寺左拂雲樓故址嘉陵江自西北環繞城郭至東瀾流直下堪與家忌之萬曆丁亥郡人張戶部文運徐封君敬復倡議建閣封鎖水口知府苗煥題額曰凌霄

思政堂 宋紹聖二年建董丕記

將相堂 在府城南台星巖即陳堯叟兄弟讀書之所巖上刻三相堂字陳搏嘗謂陳省華曰君三子皆當將相淳熙中太守吳昭夫重新之

區爲將相堂張浚詩三相當年鎮廟堂江山草木亦增光一時主宰權衡重古人間姓字香

整暇堂 去府治北十里黃庭堅爲記

吏隱堂 去府治西南一百二十里宋司馬光范鎮有詩

滕王亭 在府城北玉臺山上唐滕王元嬰建杜甫詩君王臺榭枕巴山萬丈丹梯尚可攀春日驚啼修竹裏仙家大吹白雲間清江碧石傷心麗嫩藥濃花滿目班人到於今歌出牧來遊此地不知還

奪錦亭 在府治東八里錦屏紫翠時人爭觀因名

紫微亭 在府治南巖山上宋陳堯叟兄弟嘗讀書於此御書賜名曰紫微亭按明一統志鮮于至詩當時未識紫微星獨到瀛陽訪此亭今日園林爲勝地好將前事載圖經

捧硯亭 在南巖山上宋司馬池嘗攜其子光遊此因賦詩命光捧硯後遂以命名

閭峯亭 在錦屏山元至元十一年建

盤龍亭 去縣北一里

張將軍亭 在閬中北崖

玉臺 在府城北七里唐滕王元嬰嘗遊息於此

占星臺 在蟠龍山前唐袁天罡嘗於此築臺以占天象遺址尚存

蒼溪縣 煙峯樓 宋雍肅公虞允文治蜀遇緊急軍情畫舉火夜燃燈以相聞

放船亭 臨嘉陵江杜甫詩送客蒼溪縣山寒雨不開直愁騎馬滑故作放船回

德風亭 邑侯沈國元宵節於石溪小舟載歌童數人而穿橋達渚任其所如與民同樂於斯亭

望鶴亭 在縣東宋呂遊詩九轉丹成人去後千年樹老鶴歸遲

遊春臺 杜工部遊春處

南部縣 清風樓 大寶樓閣 俱在治內

四瑞堂 在治內宋縣令辛午爲政清廉一載間人產三男半生三犢未登九穗麥秀兩岐邑民請刻其祥於庭因名

曲水亭 在縣北

續喜雨亭 明知縣歐陽炳禱雨即應因名

廣元縣 嘉陵驛 在縣西二里唐武元衡詩悠悠風旂邊山川山驛空濛雨作烟路半嘉陵頭已白蜀門西上更青天

鐘鼓樓 在縣東南知縣楊光遠建今燬

望喜樓 在縣西嘉陵江岸

龍門閣 在縣北十里燬按明一統志在嘉陵

江東岸佛崖視他閣最爲險固杜甫詩清江下
龍門絕壁無尺土

寶峯亭 望鄉臺 俱在縣東唐武元衡送柳

郎中有詩

昭化縣

石櫃閣 按明一統志在縣內杜甫詩蜀道多

早花江間饒奇石石櫃曾波上臨虛湯高壁

藥室 在縣西寶子明丹竈存焉

巴州

擊甌樓 在治東唐張緒有擊甌樓賦并序馮

介詩有座上擊甌清似玉

丹梯閣 宋建在南龕山

耶那閣 在竹隱亭後

雲間閣 在南龕山絕頂杜甫寄嚴武詩通知

簇鞍馬回首雲間閣

流觴亭 在州西龕山唐嚴武建

飛霞亭 在州南龕山路窮絕處

折柳亭 按明一統志在治西門外

司馬溫公讀書臺 在治內

美農臺 在治內相傳梁太守桓宣嘗於此勸

農

化龍池館 在治內

通江縣

藝堂 在元妙觀左

聖鹿堂 相墨堂 俱在通江

駕鶴亭 在王望山

孫思邈亭 在治東

星精亭 玉聲亭 俱在元妙觀後

釣臺 在五馬橋下大江中盤聳如困渾然奇

觀

劍州

劍閣 在州北三十里兩崖峻拔鑿石架閣而

爲棧道連山絕險故謂之劍閣秦司馬錯由此

道伐蜀唐杜甫詩惟天有設險劍閣天下壯連

山抱西南石角皆北向兩崖崇墉倚刻城郭

狀一夫怒臨此百萬未可傍又李白有劍閣賦

飛仙閣 在治內

橫翠閣 在州西南洞真觀

春風樓 在州東

思賢樓 在州東北七十五里劍門關水門上

有張載李白柳宗元遺像

逍遙樓 在州之武連唐顏真卿書逍遙樓三

大字其上

重陽亭 在州治東

觀虎亭 在州西門外

梓潼縣

送險亭 在縣治西

觀瀾亭 世傳段文昌作

仙女臺 在縣東九里一名避星臺

陵墓附

總志

本府 附郭

張飛墓 在閬中弘治中典膳黎重捐資築牆

四十七丈重修祠宇立石碑有記

滕王元嬰墓 在玉臺山

李淳風墓 在治西南四十里

房瑄墓 在治內房唐漢川刺史道卒僧舍葬

於此杜甫詩他鄉復行役駐馬別孤墳近淚無

乾土低空有斷雲

丁大夫墓 在治東

楊文燧墓 在治西

楊贊墓 在治北

蒼溪縣

古塚 蒼溪主簿金極治道伐石得一古塚遺

骸尚存有石刻銘云歲月不須論車塵擁石門

若逢金主簿移我向高原因改葬之故呼爲金

主簿墓

將軍墓 在亭子山

狀元墳 在青山鎮

妃子墳 在玉水河任姓

自縊墓 在樂善橋側相傳一人喪此土長成

墳有訪而焚黃者

南部縣

鮮于氏墓 在治東南六十里對江有碑

陳省華墓 在治北八十里一統志作陳堯叟

墓堯佐堯叟墓皆在其傍

馬涓墓 在治北二十里

雍子下墓 在縣西龍馬槽二十里

雍子方墓 在縣西五十里

李幾墓 在縣東水城五十里

馬會墓 在縣東六十里

陳堯叟墓 在縣東南四十里謝家灣

陳堯咨墓 在縣西三十里板橋寺側

杜友蘭墓 在縣西六十里

馮氏墓 三陳之母在縣西水河二十里集慶寺側

烈婦鄧氏墓 在縣東五里

廣元縣

白侍郎墓 去縣五里

李烈女墓 卽李娥墓

昭化縣

費禕墓 在縣外禕蜀漢大將軍卒葬於此

鮑三娘墓 在縣西北曲回壩

巴州

嚴顏墓 在州城廟內

章懷太子墓 在州南如一小阜唐上元初太子賢招集諸儒註後漢書爲武后所忌廢爲庶人徙此後使丘神勣逼令自殺瘞焉其墓銘云

斷二指得天下凡人不可殺愛子竊帝位武后行之噫嘻賢之遺陰萬世之元龜

通江縣

甘寧墓 在縣西露浴溪上

向佺墓 在治東八十里

劍州

黃裳墓 在州東南一百五十五里

鄧艾墓 在州北孤玉山

黃瑾墓 在學士黃裳墓左

呂元勳呂元坤墓 在州西南廟山

何元寶墓 在州南西水口

趙炳然墓 在州東臥龍山麓

梓潼縣

范伯友墓 去縣六里有石闕上有文曰沛國相范伯友墓

趙雍墓 在治北二里許前有石闕石麟其文

曰漢趙相國雍府君之墓

邊孝先墓 在縣西關外

李業墓 在縣西南五里業漢議郎二石闕臨

官路碑文漢時撰立

鄧芝墓 在縣西南五里有二石闕芝南陽人

在蜀漢爲車騎將軍武亭侯

鄧永墓 在縣北一里

欽定古今圖書集成方輿彙編職方典

第六百卷目錄

保寧府部藝文一

分巴疏

漢但望

叙行賦

晉張載

棧道銘

唐歐陽詹

利州緜谷縣羊模谷仙洞記

宋無名氏

紫府飛霞洞記

張亞

七曲山記

潘之恒

漱玉巖記

喻汝礪

棧道記

明楊慎

蒼溪文廟坊記

李輔

巴州二關記

陳宗虞

富水龍王洞廟記

楊慎

劍州儒學科第題名記

李璧

連雲棧賦

楊廷宣

保寧府部藝文二

早度分水嶺

唐盧照鄰

滕王亭子

杜甫

玉臺觀

前人

南池

前人

發閬中

前人

閬山歌

前人

閬水歌

前人

保寧府部紀事

保寧府部雜錄

保寧府部外編

職方典第六百卷

保寧府部藝文一

分巴疏

漢但望

永興二年三月甲午望上疏曰謹按巴郡圖經境界南北四千東西五千周萬餘里屬縣十四鹽鐵五官各有丞吏戶四十六萬四千七百八十口百八十七萬五千五百三十五遠縣去郡千二百至千五百里鄉亭去縣或三四百或及一千里大界遐遠令尉不能窮詰奸凶時有賊發督郵追案十日乃到賊已遠逃蹤跡絕滅有罪逮捕證驗文書詰訊即從春至冬不能究訖繩憲未加或遇德令是以賊盜公行姦宄不絕榮等及隴西太守馮合上谷太守陳弘說往者至有劫閭中令楊殷終津侯善吳傷尉蘇鴻彭亭侯孫魯雍亭侯陳已股侯樂普又有女服賊千有餘人布散千里不即發覺謀成乃誅其水陸復害然郡掾枳謝盛塞威張御復令尹尋主簿胡真若此非一給吏休調往還數千閉因須報或有彈劾動便歷年吏坐論科恐失冬節侵疑先死如當移傳不能待報輒自刑戮或長吏忿怒冤枉弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病地勢剛峻皆重屋累居數有火害又不相容結舫水居五百餘家承三江之會夏水漲盛壞散顛溺死者無數而江州以東濱江山險其人半楚委應敦重墊江以西土地平敞精敏輕疾上下殊俗情性不同敢欲分爲二郡一治臨江一治安漢各有桑麻丹漆布帛漁池鹽鐵足相供給兩近京師榮等自欲義出財帛造立府寺

不費縣官得百姓歡心孝武以來亦分吳蜀諸郡聖德廣被民物滋繁增置郡土釋民之勞誠聖主之盛業也雖食大郡以自優服不忍小民隔隔謹具以聞

叙行賦

晉張載

歲大荒之孟夏余將往乎蜀都脂輕車而秣馬循路軌以西徂朝發朝於京寓分夕余宿於穀洛踐有周之舊墟陟丘荒以寥廓讀王孫於北門問九鼎於東郭實公目之所卜曷斯水之噴薄入函谷而長驅歷新安之西阜行遠遙以登降涉二嶠之重阻經嶺岑之險巖想姬文之避雨出潼關以逕逝仰華嶽之崔嵬勸大禹之疏導豁龍門之洞開舍車以步趾玩卉木之璀璨翳青青之長松蔭肅肅之高杳綠阻罕之絕崖蹈偏梁之懸閣石壁立以切天岌岌鳴魂其欲落超陽平而越白水稍幽憂以迴深來重巒之百層轉木末於九岑浮雲起於轍下零雨集於麗林上昭昧以青陽下杳冥而晝陰聞山鳥之晨鳴聽元猿之夜吟雖處者之所樂嗟寂寞而愁予心造劍閣之重關路盤曲以掩藹山崢嶸以峻狹仰青天其如帶兼習坎之重固形束隘以要害豈乾坤之分域將判隔乎內外

棧道銘

唐歐陽詹

秦之坤蜀之艮連高夾深九州之險也陰谿窮谷萬仞直下奔巖峭壁千里無土互隔呀絕巉巖冥冥衆鹿無蹊猿猴相望自三代而往蹄足莫之能越秦雖有心蜀雖有情五萬年間復不相接且秦之與蜀也人一其性物同所宜嗜欲無餘門教化無餘源可買遷可親昵擘折地脈膠離物理豈造化之意乎天實

凝清而成地實凝濁而形當其凝也如銘金下鑄騰雲上浮空際有所不開迴翔有所不合澄結既定竅缺生乎其中西南有漏天天之竅缺也於斯有竅地之竅缺也天地也者將以上覆下轄含蓄萬靈可通必使而通者也苟有可通而未通聖賢代其工而通之故有爲舟以濟川爲梯以踰山唯茲地有川不可以舟涉有山不可以梯及粵有智慮以全元造立巨衝而舉追氏繼懸繼以下梓人猿垂絕冥鳥傍危峯鑿積翠以全力梁半空於木柵斜根玉壘旁綴青泥截斷岸以虹橋繞翠屏而龍蛇堅勁膠固雲橫砥平愬庸蜀之通途繞岐雍之康莊都邑之能步山川之無阻若水決防如鴻向陽南之北之踵武湯湯路峨峨以自若臨蒼蒼而不懼絲是贊幣以進達人神以會同稽禮樂之短長量威力之汗隆可王者王可公者公而相次以風或曰受琢之石常存可構之材無窮易剝代盡斯道也未始有終嗚呼爲上懷來在乎德爲下賂德在乎義德義之如今日則或人之言有乎其反之則石雖存恐不爲琢材雖多恐不爲構想夫往昔有時而有有時而無是用惕惕天下噬嗑知聖賢創物之意之人寡明德義固物之道之人稀敢陳兩端之要銘諸斯道之左庶主德義者存今日之所履踵湯武者荷古人之攸作乃爲銘曰天覆地

燾本亦備設大象難全或漏或缺損多益寡聖賢代工彼雖有缺與無缺同惟北則秦惟南則蜀地缺其間坤維不續斗起斷岸屹爲兩區秦人路絕蜀火煙孤天實不通賢斯有造鑽堅剝勁無駸以道若川匪舟若陸匪車緣危轉虛步驟交加構雖在功存亦由

德項憐劉慈從完以賂賄落我榮自顯而植地非華勢材不易林路植之致惠怨之心勿謂斯道不常勿謂斯道可久禮不以禮可有而無恭不以恭可無而有創之之意如彼固之之理若茲彼知不易茲而易知勒銘道左其同我思

利州縣谷縣羊模谷仙洞記 宋無名氏

熙寧庚戌春余還朝過利州通判寇諱蔡甫爲余言近事按朝天驛人云去此七八里巖谷中有神仙出見洞口因往觀之自龍洞各具舟西下過小峽有山曉然崛起萬仞翠壁如削中開大門可五六丈時正晴日光下照有二童子先出次有一人白衣皂巾曳杖垂長鬚襟帶隨風翻然往來下視久之左右數青衣從行有物若鷄犬若虎若鹿者先後之又有執扇與織者隱隱若繪畫甚可愛人之長者纔尺餘舉止詳緩如人行二十里許乃不見問其下居民云相傳五代時土人有王姓者種山下盡室斂穫於此因遣婦去求水婦汲還路有病僧創穢甚滿身腥腐不可近輒前索飲婦惡之且懼未始見弛擔走僧遽就器飲始半遂去婦不能易之隱其事置水田上其家人無長少一來飲盡之婦以故獨不語口晚又俾婦致饌既至其所得僧飲餘水者盡飛入此洞婦既不見但號哭奔走聲呼跳盪如狂人忽聞在洞口呼婦者仰應不得去悞恨自後竟棄牧豕常憤見不以爲異近年每至天色開霽則出出必盡日就中山間花木盛發時出九屢乃取畫圖示余余曰嚮嘗讀封禪記見祥符中利州路轉運使李允元奏綿谷縣羊模谷內山洞中有神仙見自言嘗往見凡三數人或立或

行衣裾皆有異光至日暮方沒蓋此地爾因求其圖之別本以歸王子秋余移守興元有新府從事賈君瑄自南榮訪余於陵陽見圖屏上乃言其向官洋川時常與太常博士陸不攷較進士於寧武亦聞之歸日與不詣洞下同立久其見果不妄指圖問之洞壑巒嶺豁谷磴道曲折出沒一一盡如此俞侯之彥坐中遂卷圖去命工摹之且俾余次其事列之圖上余爲記此九月二十三日記

紫府飛霞洞記

張亞

吾舊生越樞間按越樞爲郡居天下之西南所得坤之用在漢時戶僅十四萬其俗多營窟版屋而息如上古穴居野處之世其地則多土壙巖穴接黎之邛笮都雅之靈關道自唐大斤土宇包夷荒而郡縣之民不堪命越樞遂與中華壤斷土隔真人幸啓僊兵息民執玉斧而劃棄大渡之外越樞遂淪嗚呼吾將安歸當以黎雅爲鄉也黎之邛笮關有靈應洞乃吾之變化所惟古蒙舊屬漢嘉之青衣其俗醇厚簡古如周民好善堯民可封其地襟帶巖巒如太華之磅礴岷峨之嶙峋吾常愛而居焉近奉帝命往來全蜀至則寓之以行化恨慕莽掩翳如小有清虛之所吾必久留已下荷沐父子念此甚久吾知而直命之乃忻然於吾殿後斬荆棘去茅菅爲一洞天費僅二十萬錢屋穴皆備吾揭爲紫府飛霞蓋本班固賦西都據坤靈之正位做大紫之圓方與王勃記滕王閣彩微雲衝霞鸞齊飛之義上以示吾不忘故鄉之意下以期有志於攀鱗者休哉蒙山之下亦有變化之所矣後之人有能自勵而期爲汗漫遊者乎然東山舊

祠與自紹興丙寅迄今年丁卯始克有洞穴且洞穴不成於他人而成於荷殊父子亦有數也一日荷殊父子欲紀年月曰此事非神其誰宜爲吾亦爲欣然親書於石開禧三年六月十八日記

七曲山記

潘之恆

舊志云七曲山在梓潼縣北一十五里山腹有路盤轉七曲故名初號九曲則以潼江水九折而來朝爾華陽國志云梓潼有惡子祠民歲上雷杵十枚歲盡不見祠所從來故遠惡與亞通漢鑄周亞夫印爲惡夫今風洞門石而稱雷柱宋高文虎稱劍門張亞子祠是也清河內傳云山連劍嶺有撐參官若鳳凰之偃下有古湫引入巨穴門立數石荷禱雨者視此輒應名曰雷柱故歲以杵供焉梓潼潘高梅文昌祠記曰文昌靈應祠在七曲山中出梓潼縣北七里爲送險亭言蜀棧道之險至此而盡也亭居巖畔下爲龍潭巖間時現赤霞傳五丁力士遺劍處間發寶光少進爲鳳山路東接鳳凰山又里許爲千佛巖上鐫壁成無量數像咸飾金彩旁鐫紫府飛霞洞記上覆以亭而募墨者競取焉前爲飲馬池池水常滿從此道人即得忠孝樓祠之阜門也樓累三層高百尺自楚黃鶴而下莫之與京樓後欲臺始與樓之二層並上奉文昌殿左右安鐘鼓兩廊置配享昔秩秩有則後爲桂香殿丹果秋飄一已盡染彌月猶觀是爲蜀王府建歲時焚修無缺左即風洞景前爲子母聖殿新祠者聯集轉上重階爲啓元殿又上爲天尊殿前爲八方臺以觀天象由樓北行亦陟重階爲盤陀石有坊曰盤陀仙跡其石圓如磨高三丈許上肖聖像

據胡林盤坐再北升爲應夢臺臺象八卦中有石牀壁間繪應夢事跡臺右晉柏二株其形盤踞如虬龍色含蒼翠自晉代傳於今幾三合抱臨峰頂爲望水亭而觀止矣世所傳文昌事殊不經見詳載化書中

漱玉巖記

喻汝礪

余飽聞閬中奇山川賢士大夫最多亦復把酒自慰一日登錦屏拿舟嘉陵江步至占星巖徘徊縱觀倚老松臥怪石往往摸腹一笑然是三徑之遊須費吾一日之糧惟母丘氏漱玉巖近在牆壁外乘輿步履從小奚奴直謁賢主人脫衣散髮坐巖復酌酒賦詩相與作物外笑樂酒醉發狂即呼天大叫曰天乎真不負險汝礪矣吾嘗謂富樂之士不能放意於江山松竹之樂而山川怪奇煙雲竹石詩酒風月唯遺逸未遇之人始得兼而有之故天地間雄偉不凡之處天所以資賢人而舒其憂愁之思也吾零落荒山鬱鬱無聊賴有錦屏嘉陵之雄偉占星漱玉之勝所謂閬之四奇者也吾皆得而有之他日解官視吾破囊無復新井縣一物驅老鬚獨負四物以歸朋遊故舊從吾見閬中土物吾則與飲酒取吾詩而歌之則是四境者不移足而在几席間矣

棧道記

明楊慎

顏師古曰棧即閣也劉禹錫有山南西道新修驛路記有云我之提封距右扶風觸劍閣千一百里自散關抵褒城大舍十有五自褒而南踰利州至於劍門十有七道途大舍可見於此又云棧閣交虛下臨含呀層崖峭絕林木垣鐵因而廣之限以鈎關狹徑深徑從而拓之方駕從容棧閣之制亦可想也歐陽脣棧道銘有云秦之坤蜀之艮連高夾深九州之險也大抵漢中雖是平川東北入長安西南出劍門皆有棧閣之路惟今洋州子午谷南北正對長安王莽所開唐明皇荔枝路老杜云百馬死山谷至今者舊悲信爲險絕

蒼溪文廟坊記 李輔

國朝混一海宇大典文教內建國子監外置郡縣學以教育天下英才其制甚備士生斯世得以漸摩於道德之內薰蒸於禮樂之間荷歟休哉蒼蒼學舊在北郭隅正德七年前尹劉鴻徙於城內東北取震之勢也按震之在易爲開物之府萬事萬象得爐冶而形色始呈夫子廟庭取向於此蓋得蒼之土者如形色之得爐冶而本於震之華基也廟貌初遷廊廡未布而劉君適奔內艱余以正德己卯冬承乏縣事慨斯缺綜爰謀師生命工伐石首建牌坊用壯宮牆之美廟貌廊廡亦以次而緝新焉夫學校王政之本風俗教化莫先乎此今天子首重儒臣孜孜以用賢輔治爲心吾知吾蒼之豪俊必有加乎昔矣竊謂三蘇三陳蜀之先君子也流風餘韻猶存願我師儒益嚴矩範益勵爐冶俾我學子踵蘇陳芳躅效利用明時不負上之所求下之所望亦師儒職分所當然也否則吾有司之志亦虛矣可不勉哉

巴州二關記 陳宗慶

巴州治控大小二巴山故多巖巖折阪詭壑崇崇峯望之屹嶺西南崔嵬萬狀中黃城者益稱曉帆嶺刺四絕巒爲賊藪四方無賴亡命逋逃所歸蓋時麻沸突出掠我黎園康廬繫掠于女穉殺焚燬殆至慘惡捕

之輒苦鼠竄伏等莽乃其豁實結曲人莫知所向若
柵若巢窟處却又負固肥塞居然憑陵我不可驟得
擒縛即知黃賊眇細不足一撲第其蟄人不意求之
即去殊亦力不易加嗟嗟黃城苦類是矣今督撫中
承黃岡王公巡按御史金華虞公貞度肅僚重求民
瘼蓋為蜀之人剔蠹除殘貧輟生養之者靡不極至
頃披往際得故所為創論黃城者知其稔惡狀謂川
之北此為隱憂也則以付諸分憲王使君圖之使君
通方廣謀規模甚偉二公則惟其便宜之也乃檄之
郡別駕吳君往俾徐徊畫之吳君相黃城介巴達二
州間達州業既築龍船關烽火候其東惟是西偏當我
巴長樂太平二鄉之衝不為障塞彼可徑取道馳我
矧龍船既嚴彼不得東則併而西乘我勢且如敵將
致魚肉二鄉人啖彼也則相雲城漏明俱屬要區可
托壘壁相距纔十里椽間遂及又可聲援相臂指早
宜急關梁其上使君則以協諸分守梁公既以報之
中丞御史二公旋以下即太守潘君計工築定錄戍
儲戎器又因而申明比閭保甲敷宣太祖皇帝戒諭
仍為翼以社學俾伊吾相達薰使興起蓋自是二關
巋然與龍船鼎峙為犄角聲勢層輔嗟嗟黃城即不
悛奈何不警戎備備乃皆人子有人心者既不得出
肆割奪餓殍靡嗟安知不翻然感悟改行善良也蓋
使君不獨欲威賊實欲徠之委使就化意如此則戒
幣陳于屬為記其事嗟乎設險守國王公尚之彼衛
家者必動環堵矧乎傾方隅有疆場之寄者哉蜀遠
事無論頃若支羅黃賊鐵桶蔡賊九切巴者則近如
乾溝何賊俱併起不測之勢大帥雖旋踵就仆乃既

糜爛過當矣今茲方略早辨曲突巴之人所徵福威
靈有涯哉乃黃城人懼而漸其汗風而漸於善也所
徵福又有涯哉陳子則又窺使君直方正大懷然風
節蓋時悼蜀之人財盡力憊比比相率而盜也則愀
動顏色故所求在貞廉吏而疾聲叱厲在墨者孔子
曰苟子之不欲雖賞之不竊然則茲豎二關母亦審
其次不得已為之乎夫巴林數華實固饒區也僻在
窮微往部使督郵者素不問其地乃先是有巴者執
不厭巴去奈何不俾黃城入盜也今使君儼然三尺
在上潘君暨吳君諸英傑在列一時相觀倘所以來
蘇巴之人而甦生之自今日始乎乃二關不斯須鐘
之可矣中丞公御史題名在行省臺中梁公題順慶
署中使君諱來賢雲南臨安人辛未進士潘君諱良
貴浙江上虞人己未進士吳君諱朝宗建昌人江西
鄉進士

富水龍王洞廟記 楊慎
昭化富水洞在縣治西北二十里肇自天地開闢既
遠且廣中有神龍居焉則見源泉混混灌溉滋益以
介我稷黍而穀我士女者不下千百家利亦溥哉洞
口之左元至正間建有祠宇刻有石像每遇歲旱請
祈應桴鼓卓有靈異故雖關中豪傑亦有不憚道里
之遠而赴禱者邇來風雨飄搖祠宇傾圮不足安神
享祀由是雨暘弗若旱潦相仍民不聊生亦已久矣
邇者天子臨御之初適猷濟效靈之始幸我富水龍
君不較蠱愚復加仁愛怙冒茲土用赫厥靈縣令李
侯諱仲寶命土人募材構宇亦視其人貧富與意之
誠否而已取與之間一介未嘗或苟處分縷縷悉愜

與情凡以為我蒼生慮至遠也是以厥聲濯靈人樂
趨赴不踰月而土木已就遂矣落成之日俞余作記
刻石志神之靈爽昭彰以垂不朽云

劍州儒學科第題名記 李璧
士之進身必由於學匪教弗成也而其題名亦必於
學有勸之之道焉夫俊髦之所聚茲詞之所最惟學
為然題名於斯蓋彰其已進者而勵乎其未進者茲
所以為勸也劍門靈秀所鍾世多俊彥遠則有若黃
文忠公之勳業陳平甫之道德近則有若李文忠之
詞章尤為表表者然數十年來襟佩絳歌寥寥不振
方諸先進之功名道德則若有未逮者豈教之未至
而勸之無方與抑山川儲靈藹秀暫祕而未發與雖
然科目固士之所藉以進身成名然究其所以能垂
諸不朽者則又在於平生德業而不在夫區區人爵
名譽之榮而已璧與典教諸君方將協心以盡教勸
之道繼自今諸士子遊於斯者尚其勉修德業待時
而進務實勝焉以與前修爭衡則他日將續名茲石
煥然有光不然雖取青紫歷崇階名固曰成君子不
貴也奚云題名哉正德十三年戊寅三月奉訓大夫
劍州知州武緣李璧撰

連雲棧賦 楊廷宣
己卯之歲時方冬矣臘云暮今余年過賈生學慚董
相征征營營內不自定由是謀適於行載言北征擔
簦負笈陟岵跋屨攝穹隆控青雲扣天關順風而稱
曰肇元黃之既判今過陽浮而陰蒙嗟大塊之茫茫
今孰則排而山鑿帝既設此靈險兮余總弗問乎棧
閣事皇圖之廣運兮觀形勝於燕漢眇覽叢之建國

今四星分平井終連泰帶蜀方五百里今緣咸陽以爲郭阻襄斜之良隆今據岐嶺之巨壑觀隆理與替堅今亦樂聞乎往索良既策羽以絕望今委回祿以燦灼何退身而驚擊今思駕馭乎帝略迄起漢而歟楚今遂用建夫三格陽中路以迴車今紛不爽於髮膚白發嘆而長嗟今意深諷乎鄙夫憤儀圖之說祕今誑金牛以爲諛憫漢帝之違駕今忍蛾眉而西趨侈御愛之仙蹤今瘁萬乘之玉驅蓋其危也足以駭賦巨麗而其致也不亦爲禦侮之天區夫山本其奧也石備其崇也木出其蒙也盤踞突兀岑峯聳渾洞深涯蔚蔚鬱鬱天之所生地之所產也鳥不得而翔獸不得而逸四時變化剛柔錯摩交構乎其中終始乎其內其雲則默黯黯黯雲衣被膚寸漸深候於木末遠視極鬱鬱之則期翼於石饒饒於深谷飄飄淹雷氣飄飄天幕幕屯落落落冥冥異於常態其雨則津津洌洌石潤林響瀑布滴珠滿壑盈瀾雷濕霖霖與地潛通豁徑汪流煙樹瀟瀟松青林沐淖淖踟躕病於逆旅其風則飄飄颼颼轉山循谷料峭發颼颼批亢異二乘虛峻峰高颼平砥微颼颼颼落木寒颼切肌石尤激射打頭回延歷萬象莫之可捕其日則黯淡蔽虧斜景過雲東谷西隅鏡於中天瞻睥睨冥翳暫陰難未嘗昭晰其風俗之所習土地之所宜余故得并吞其所經歷包舉其所問答而囊括其語焉於是有五德公子導余以喬園兮嵌雲路之巉巖據嶂嶂之扼塞兮羅萬象於景從聳巖屹之巉巖兮怯衣緇之乘驄盤七曲而腸迴兮胸高目之眇眇瞰龍江之翠翠兮瀉白練之寬虹余既登此

絕嶺兮瞻乎前觀觀乎後視拾級坎懷連步錯愕怔忡悻悻倦臨邑勃久而後定迺渡水開馳青橋涉淺兢而惘惘兮列御風而憑空側身穿而撒健兮足泰法之重重嶙峋飛棟巉巖兮危浮柱而增崇截王孫之仙蹤橋不足以爲術兮憫征夫之浪浪僕翰躬而進登兮殆郭曉之形容馳丹梯下峻阪兮擬抱甕之忡忡亦既身倦而神罷兮適遇息乎崖壩備未極也訊往路以前山兮越馬道與武關舉峯路偏側狹隘騎不得方人不得比吁嗟乎其赤帝之所與首咸陽以入關兮降子嬰而要盟羽不得而爭驅兮適自茲以爲兵故稱名爲劉壩兮意非此莫之與京因是以益遊乎興運今閱千古之芳林於是有凌煙大夫挺瓊梧負霄漢迺余而言曰緊前林之盡盡兮豈非皇華之岐嶷欒檜障以蔽天兮鵬南溟之翼施旒旒龍之蹇今維還糾會之標枝訝日月以扶疎兮幹輪困而參差杞強良而麗霄兮榜擁腫而踟躕楊郅偁而膚敏兮樞垂身而委隨節美秀而喬修兮紛皇鍾之陸離月極望而攢聚兮何摧唯而鬱伊悲落木之蕭蕭兮恣行人之浙炊風雨晦而濤起兮響萬壑之隆墀余趁遊此室第兮窺管天而冥疑馳驟章之絕幹兮駕鄧園之平騎悵衆棟之離離兮雖牛山其何爲彼其衆果之富山桃石榴檣柿苦李小東梓奈張梨陶栗斂朱榮祕生意錯綜懸巖潛隱乎其中不可殫述由是踰三岔窺美嶺山益進而巢炭樹益窮而縱橫憶岐豐之盛瑞播覽德之美名於是有綠衿使者麗質修儀且遠且巡其氣也愒其志也伶翺翺直

前屢括以此山之靈昔寶鷄之耀羽兮托千里之崢嶸惟焚龍之我求今窮巖穴而多索彼倉鷹羅鷄紛修翎兮屬玉交青鸛鷄鷄鷄晨風子規鴻鵠鷄鷄白練沙鷄錦繡鸞鸞累鸞吟兮光有萬而難并鵲占歲而音妙兮鳥散聚而時鳴鷄宿舊而懷寶兮鳴呼類而爲盟雉招搖而曳尾兮鳩思婦而藏聲鸛獨立而不懼兮鷄依稀而將迎鴻漸達而自得兮鴈遞北而從兄其它角毒之屬又未可須臾傾蓋而語班荆而坐對也聊舉虎豹羣而畫哮兮黃熊慢而還延狼跋胡而恣遊今豪豬放而盤旋猓嫵媚而先後兮覓兔逸而長便後視苗而豐茸兮麋鹿呦而雲眠踴躍幻而踴躍兮孤豹衛而自賢余因聽此富擬上林摩邁長楊公子王孫有智不能以施礪礪羅羅非有術不能以張王良何以欲趙主造父何以駿蹄徒靡思於行李噫何補於攀躋既聘華京之墟復背東河之西尖轡又吁隘若虎關凌遲委蛇下若耘島崔嵬鳴鳴守若扼吭宋代之賢所以遏元兵而一時之雄終不能向南鄭而窺也可不謂之壯哉天地設險高則爲山深則爲水山之所峙水之所流余見夫元冥先生之爲費也澆洶濤泛汎澆出崎嶇走疊漲隨余馬而奔流諒余行而相望岌岌乎誦哉說哉滔滔乎泓哉漢哉南通沔漢北入汧渭泉派之汎濫兮觸礫碌之彷徨經逶迤而迅駛兮譽怨思而鏗鏘舉震電之憑怒兮管萬夫之阿房砥中流而潰潰兮沸狂怒而瀉湯沸漳蓋之澧澧兮恍白鷺之翺翺懷三軍之旋凱兮搖甲冑之鐵裝撼韶濩之夜嗑兮奮馮彝之擊鏗靈雲根之繡篆兮濯白玉之琳琅遊蚪蚪之澆澆

今神太史之篇藏三江駭而奔鯨今穀洛闕而非常
瓠子決而旬拜今呂梁隘而飛浪未有似此之幅吻
翻溢應觸騰騰况其時也些寒凝嶺近東呵僵冰崖
珠絡雪蠟瑤光人思挾縵之主屋存獮瘵之霜皓皓
皚皚堅堅強強此亦過客之壯麗奇觀也瀟灑拂鬱
蘇沱腎腸喜溢眉睫樂忘故鄉已而望秦塞之渭紫
瞻太華之麗麓水東去而長辭翠漸微而山促嗟適
平原之易地豈非前代之雄都乎余過繁離懷於山
水寄餘情於巴蜀障庾規之塵窺阮宗之獨斷門烟
月盧溝曉昱輝煌乎帝里蓬萊乎京屋世態無常天
時又速予於是復冬往而春來今碑未盡之芳踪忽
寒暄之易劑今訝風景之靡同嵐開障麗石淦灘渾
鱗鱗出沒鱗鱗龜龜喁喁族別孕鱗鯢獵入水而
四捕射同巖而懷吞予始驚夫昔者之遁而今者之
溫故夫路箭蒼以彌深山爛漫而舒容百和異香徐
來應風蕙杜蒹葭綠蔥幽離靡蕪黃山椒蓀長有
質無名殆不可窮葉本射干石芥芷薑溫香菜赤
根木芹豐蔚之盛何其隆歟若夫寶藏之與太守夜
懷六奇反間燭燦繁光生乎古曠類乎石國則鳳山
之產也黑金巧冶積薪而鼓鍛鍊成鋼許子之所耕
而管國之所賦近代求獵伐木披荆又有夜光布網
網牽百里則安山之奇也玉版雲英非絳非綸燦如
白雪膩如滑肌咸陽不足論其價山陰不足供其資
西蜀賴焉三秦給焉則武關之藝也伊所居之棟宇
分樹板屋以層甍隨凸凹以傑嵬今無風雨之暴傾
飯土銅如上古兮燃松膏以爲明性剛勁以質樸兮
讓齊魯之蜚英挑雲水於上山兮燒石田以爲耕播

種陸以有秋今兼半橡與蔓菁其官府之所寓舍則
謹樓麗棟飛鶴搖鈴重門雙闕并幹華程勳聖壁飾
後殿前廳無筍無害庖食具精勞乎遠人達乎帝廷
其衣冠之耀則祿不易常用其武弁間以流官統以
方面毋暴毋虐考其勤倦撫其民人而庇其所縣鳴
呼皇風清穆今四海無虞山川奠安今草木茂殊我
生此今何德之歟余去故鄉千里今獨僦藏於茲
隅以高山爲知己今以流水爲鍾期以喬木爲朋友
今以道路爲箴規名不見成功不可知手胼足胝化
不轉移揚雄爲之解嘲崔駰爲之達辭齊師幾北亡
玉屢齋惟守道以自全恐辱已而爲嗤余故得假息
於似秋之館沉酣於吏部之醅先生見而舍胡使者
候之以長吁大夫腹非於其側公子反臂而擲揄噫
嘻吾子之倥傯今勢不憚於僕痛荷一往之足訴
庸再來之可乎彼一握以爲笑亦焉知吾之爲吾匪
區區之宦轍抑以覽聖世之皇圖未敢擬司馬之遊
不亦異博奕之徒非聞子言執策余驚言以足志竊
效漢儒適相與忘形共賦於開山之途

保寧府部藝文二詩

早度分水嶺

唐盧照鄰

十年遊蜀道萬里向長安徒費周王粟空彈漢吏冠
馬蹄穿欲盡貂裘故轉寒層冰橫九折積石凌七盤
重谿既下漱喉峰亦上干隴頭聞戍鼓嶺外咽飛湍
瑟瑟松風急蒼蒼山月圓傳語後來者斯路誠獨難
滕王亭子
自注云亭在玉臺觀內王曾與此州 杜甫
君王臺榭枕巴山萬丈丹梯尚可攀春日鶯啼修竹
裏仙家大吹白雲間清江石傷心麗嫩蕊濃花滿

目斑人到於今歌出牧來遊此地不知還
玉臺觀
自注云滕王造 前人
中天積翠玉臺遙上帝高居絳節朝遂有馮夷來擊
鼓始知麗女善吹簫江光隱見龍龜窟石勢參差烏
鵲橋更有紅顏生羽翰便應黃髮老漁樵

南池

前人

崢嶸巴閬間所向盡山谷安知有蒼池萬頃浸坤軸
呀然閬城南枕帶巴江腹芰荷入異縣秔稻共比屋
皇天不無意美利戒止足高田失西成此物頗豐熟
清源多衆魚遠岸富喬木獨嘆楓香林春時好顏色
南有漢王祠終朝走巫祝歌舞散靈衣荒哉舊風俗
高堂亦明王魂魄猶正直不應空阪上縹緲親酒食
淫祀自古昔非惟一川瀆千戈浩茫茫地僻傷極目
平生江海興遭亂身局促駐馬問漁舟躊躇思羈束
發閬中 前人

前有毒蛇後猛虎谿行盡日無村塢江風蕭蕭雲拂
地山木慘慘天欲雨女病妻憂歸意速秋花錦石誰
復數別家三月一得書避地何時免愁苦

閬山歌

前人

閬州城東靈山白閬州城北玉臺碧松浮欲盡不盡
雲江動將崩未崩石那知根無鬼神會已覺勢與嵩
華敵中原格調且未歸應結茅廬看青壁

閬水歌

前人

嘉陵江色何所似石黛碧玉相因依正憐日破浪花
出更復春從沙際歸巴童蕩槳鼓吹過水鳥銜魚來
去飛閬中勝事可腸斷閬州城南天下稀